

Poštovani gospodine Ivaniću,

Poštovani guverneru Softiću,

Cijenjeni uzvanici, dame i gospodo,

Izuzetno mi je zadovoljstvo i čast da vam se obratim u ime Vijeća ministara BiH i u svoje lično ime, na ovoj posebnoj konferenciji kojom se obilježava 20 godina uspješnog rada Centralne banke Bosne i Hercegovine. Ovo je značajan jubilej ne samo za Centralnu banku, već i za čitavu državu.

Centralna banka Bosne i Hercegovine je jedna od najsnažnijih institucija u zemlji, uživa visoku reputaciju i predstavlja stub monetarne stabilnosti.

Dopustite da skrenem pažnju na naziv ove konferencije. 20 godina stabilnosti. Upravo tako. U složenom političkom ambijentu, Centralna banka je sve ove godine uspjela da sačuva i održi stabilnost.

Centralna banka Bosne i Hercegovine je osnovana 11. augusta 1997. godine i na početku svoga rada je imala izuzetnu podršku MMF-a, radila je na uvođenju međunarodnih standarda i na razvoju ključnih funkcija centralnog bankarstva.

U kasnijem periodu, naglašena je podrška Evropske komisije. Ključni datum u istoriji odnosa Bosne i Hercegovine i Evropske unije je 15. februar 2016. godine kada je Bosna i Hercegovina Vijeću Evrope podnijela zahtjev za članstvo u Uniji, čime je potvrđena jasna evropska perspektiva i opredjeljenost temeljnim vrijednostima Unije. U EU integracijskom procesu Bosne i Hercegovine, uloga Centralne banke je vrlo značajna, budući da stabilna i pouzdana centralna banka daje ključan doprinos

makroekonomskoj stabilnosti, unapređuje proces ekonomske tranzicije i konvergencije ka tržišnoj ekonomiji i doprinosi cjelokupnoj boljoj pripremljenosti zemlje za članstvo u EU. Podrška monetarnoj politici valutnog odbora, kao faktoru stabilnosti u izazovnom vanjskom i domaćem okruženju je neupitna.

Zadaci i uloga Centralne banke usko su povezani s fazom EU integracija u kojoj se Bosna i Hercegovina trenutno nalazi. Centralna banka Bosne i Hercegovine učestvuje u svim fazama procesa evropskih integracija BiH i doprinosi evropskom integracijskom procesu BiH u skladu sa svojim nadležnostima.

Moram naglasiti značajan doprinos CBBiH u davanju odgovora na Upitnik Evropske komisije. U skladu s dinamikom BiH vezano za izradu odgovora na Upitnik Evropske komisije, CBBiH je pravovremeno dostavila sve tražene odgovore. Ovih dana se radi na finalizaciji i međuinstitucionalnom usaglašavanju odgovora BiH, u skladu s Odlukom o sistemu koordinacije te moram odati priznanje za izuzetno stručno i kvalitetno pripremljene odgovore Centralne banke Bosne i Hercegovine.

Na kraju ovog obraćanja, poželicu vam da ostanete najstabilnija institucija u Bosni i Hercegovini i da i dalje budete stub monetarne stabilnosti.

Hvala.